

因觀音等渠水流微細灌溉無多故也惟廣濟一渠發源西路谷歷黃甫寨等十三村直注縣西城壕既利田功更資汲取所關甚鉅乾隆三年曾經動

帑興修計長五千四百丈寬八尺深六尺銷銀五百五十兩至二十年以後久未疏濬漸致淤塞三十八年徐大

令作梅親加履勘見水源甚旺挹注無資因勸諭疏通

居民爭搵番鋪從事渠道大開灌田無算餘水仍注城壕並責成水老啓開疏洩毋使淤填以資利賴又縣有

園基寨隄一道長三百二十丈寬五尺高一丈七八尺亦于乾隆二十年修築計銷銀四百兩至古渠堰在縣

者有濬渠長安志在縣南五里又靈軹渠通志在縣北

**河渠書**關中靈軹引諸水漢溝洫志作引諸川水漢地理志蓋屋

縣靈軹渠武帝穿水經注蓋屋縣北有蒙龍源上承渭水于郿縣東逕武功縣為成林源東逕縣北亦曰靈軹

源通志源在故上林苑中今埋又韋谷渠在縣西南四十五里蓋屋即縣界自掃帚嶺流出經塔廟渠至青花

鎮今雖埋沒渠形尚存長安志韋谷渠自南山流下至青花店疑即寰宇記縣境之漳水又紅龍渠縣志在縣西南三十五里引車谷水西流

入澇池又中望渠在縣西南引耐山寺泉及暖泉水又斑竹園泉通志在縣東三十里又稻峪水在縣西南三

十里又蓮花池清泉在縣東南二十五里今并湮廢渭南縣

夏府志卷八

十

夏府志卷八

十一

渭水禹貢錐指自臨潼界來東逕縣北四里又東入華州界水經注渭水自合冷水又東得首水又東得西陽東陽二水又東與竹水合縣志渭水自臨潼交口渡入縣境城北曰上漲渡又東南流至倉堡嘴曰下漲渡又東北流至大李渡入華州境按上漲下漲二渡今湮

冷水縣志在縣西四十里發源馬峪老池頭北流逕南維底又白莊溝水出駒兒嶺北西北流與冷水合又西北合三岔河逕臨潼之零口鎮北入渭

杜化谷水馬志在縣西南十里長安志水出零谷縣志零谷口水在縣西步高宮東歷新豐原北入渭

酒水通志在縣西門外水經注首水南出倒虎山南總五

水單流北注入渭元和志首水出縣西南石樓山北入渭朱可汗酒水橋記酒水古首水也源出石鼓山麓與武渠

小峪羊峪曹峪清水石泉諸水合流于清澗頭迤邐而北逕邑城西北二門東注于渭縣志酒水山石鼓山北流逕

石泉巖峪又逕望竿嶺西武渠溝至清澗頭有羊河源出元象山之大峪又有小峪河源出小峪山流逕花園村東

合于清水河河一名花園川以曹后花園名一名清澗源出黃狗峪逕南廿月圓山合小峪水又有曹峪水源出曹

峪流逕伴紅坡但北流入于酒水又北逕豐原北麓之口又北逕密時臺之右循縣城西北入渭

按首與首疑因字形似而訛然字書酒水名在雍州則

其來已久又消亦音消也

明光峪水縣志在縣東三里源出明光峪相傳昔時崖畔有光其水北流入渭

西陽水通志在縣東八里源出西陽谷其東為東陽水源

出東陽谷水經注二水並南出廣鄉原北垂北入渭縣志

陽谷水在縣東其水北流至官路突起如脊名分水嶺東

西流入渭

大赤水賈志在縣東二十里華渭之界一名竹水水經注

竹水南出竹山北流逕郿加谷歷廣鄉原東俗謂之大赤

水北流注于渭縣志一名清水河相傳晉周處斬蛟于此

又縣東南有羊峪水東有黑掌峪水葫蘆峪水俱東北流

西安府志卷八

三

入赤水

按水經注赤水有二竹水為大赤水在西灌水為小赤

水在東寰宇記大赤水一名箭峪水蓋以水出竹山竹

箭之義相通也華州志以小赤水為出箭峪混二水為

一悞矣

大嶺川通志在縣西南百五十里縣志自青岡坪至東西

川南總謂大嶺川

萬壽澗通志在縣北渭河北寰宇記在下邽縣南四十里

此澗或興霧起雲時有牛馬猪羊變見形狀遊沙渚間今

澗

王尚澤長安志在縣西十五里

齊家灘縣志在縣東北十里龍背寨東北

呂家溝縣志在縣東南二十里又東南五里坳底村有靈

池長安志後魏永熙元年水自湧成池周八十步

湧泉縣志在城北徑百餘畝中時荷芰

袁公泉縣志在襟酒門外官路北

梁泉長安志在縣東南百五步縣志龍尾坡東有梁泉西

有姜泉又有甘泉

按長安志甘泉在縣城內以渭南故城在今縣東南也

今泉在縣神川原東南

蔡泉縣志在縣城東亦名蔡順井又名蔡孝子井神川原

北麓舊有井九一曰魏王井相傳西魏都長安時所發餘

西安府志卷八

三

並湮塞

龍泉縣志在縣西南四十里清澗又靈源泉在龍泉西南

即西魏置靈源縣處按靈源故城在縣西南又縣西南五十里馬峪

口有石泉一作十泉

東西鹹井縣志在縣東北四十里甘泉社已下水利

東陽谷水渠通志在縣東十里引東陽谷水自康家溝流

經候馬等村灌田

杜化谷水渠通志在縣西十里引杜化谷水灌田

瑞泉通志在縣南五里當龍尾坡之半懸流如線旱禱多

應又南十五里有龍泉又南二十里有清水河渠引清水

河又南十里有小谷水渠

按古渠堰在渭南者有漕渠長安志在縣北一里縣志

自臨潼來東入華陰界又白渠通志在縣北自臨潼縣

流入入渭水水經注白渠東逕秦孝公陵北又東南逕

居陵城北蓮勺城南又東注金氏陂又東南注于渭按

地理志載華陰有白渠即此長安志以白渠在櫟陽人

渭今考水經注云白渠東注金氏陂而唐地理志亦載

武德二年引白渠水灌下邽金氏陂則又金氏陂通志

在縣東北隋地理志下邽縣有金氏陂寰宇記漢昭帝

時以金日磾有功賜其地因名即今渠西廢陂是也唐

武德二年引白渠入陂貞觀三年于陂側置監十二年

廢監以其田賜王公古云此陂水滿則關內豐稔陂西

又有東陂又南有月陂形如月皆名金氏陂又義隄通

志在縣北渭河岸邑人光祿卿史記事築又赤水隄在

縣東南軒赤水隄碑記赤水鎮西堡田舊稱膏腴嘉隆

中奔流衝決堡墾漸圯畦隴變為沙汀不啻千畝張令

棟觀水度勢植柳築隄下穿水眼以通灌溉自堡東北

隅開渠至西北隅滙于北門左之古渠于是水不為堡

患田亦有秋又澇水縣志澇水西渭人恒築堰作渠自

風門達之西關北至槐衙灌田可數十頃又縣東關北

崖下昔有稻田數百畝崖下有泉十餘又間穿井取水

以灌又西陽谷水賈志可資灌溉又古湫池縣志在渭

南縣城東北五十里交斜鎮又鹽池通志在縣東北六

十里漢宣帝紀宣帝嘗困于蓮勺鹵中如淳注蓮勺有

鹽池縱橫十餘里其鄉人曰鹵中蓮勺故城在縣東北縣志蓮花

池在縣東北來化鎮即蓮勺縣故址今並涸

富平縣

漆沮水通志在縣南自耀州流入又南入臨潼界水經注

沮水歷土門南原下東逕懷德城南按城在縣西南非朝

又東逕漢太上皇陵北按元和志陵在櫟陽縣東二十五里東注鄭渠分爲

二水一水東南出即濁水也至白渠與澤泉合俗謂之柴

水又謂之柴沮水絕白渠東逕萬年縣故城北其一水東

出即沮水也東與澤泉合又循鄭渠東逕當道城南又東

逕蓮勺縣故城北按當道城在縣東括地志沮水一名石

川水源出富平東南入櫟陽長安志漆沮水在縣西北四

十五里過義亭脾陽豐潤三鄉縣志漆沮水從縣西而南

至盤龍原澗谷水入之又東流歷荆山之陰自斷原口而

南溫泉河入之

金定河通志在縣西十八里一名趙氏河縣志即耀州澗

谷河之下流自田家營入境至程家堡入石川河計流縣

境十里

澤多泉通志在縣西北即澤泉水水經注澤泉水出沮東

澤中與沮水隔原相去十五里俗謂是水爲漆水也東流

逕薄昭墓南又逕懷德城北東南注鄭渠合沮水長安志

澤多泉在縣西十三里永潤鄉溫泉村東入薄臺川三十

里按薄臺川在縣南八里東南入漆沮河縣志一名溫泉河源出縣

里

西北中山麓隆冬不水又澗頭泉在縣西北十里流逕懷

德城西澤多泉入之為薄臺河又流至縣北北泉入之又

至寶村豐泉入之按豐泉俗稱又東至南陽村北陸川入

之按北陸川在縣東北五里即軍塞西泉也又至安頭南入石川河

頻水通志在縣東北七十里源出頻山即大小石谷二澗

水長安志大石谷澗在美原縣北十五里小石谷澗在縣

北十里縣志頻水微甚出山不一二里即澗山前為通川

一名錦川秦主翦求美田即其地又梁邱澗在縣北五十

里

鹵泊灘通志在縣東即鹽池魏地形志頻陽有鹽池一名

鹽池澤唐地理志富平有鹽池澤元和志鹽池澤在縣東

南二十五里周迴二十里縣志白馬泉在鹹泉東十里即

陰村右泉東流至張北里東南與龍泉水合而東流五里

為鹵泊灘一名明水灘一名東灘冬夏不竭可煮鹽又縣

西二十里為臧村灘歲旱其土可煎鹽謂之西灘又縣東

十里有鹽泉曩時味鹹近甘可飲

五龍泉縣志在縣西北已下水利

官渠縣志漆沮水歷縣西北隅曰岔口河自北而南水濱

皆可導灌田畝其由東濱而南者初曰官渠一名判在縣

西北五十里按此渠今失脩濬次文昌渠長安志文昌渠在縣西

北十七里永閏鄉自義林鄉引漆沮河水溉民田十里又

南為通鎮渠又南為永濟渠長安志永濟渠在縣西北二

十五里引漆沮河水灌民田十里又南為石惠渠又南為

自在渠又南為永興渠又南為新渠又南為順陽渠又南

為石水渠長安志石水渠在縣西北二十五里引漆沮河

溉民田十里

永澗渠縣志起木節口抵故漏澤園近則水至南關南為

廣濟渠又南為永豐渠又南為溢水渠又南為遺愛渠又

南為千年渠河水又自南而東流為陽九渠長安志陽渠

在縣西南二十八里引漆沮水溉民田十五里縣志一名

廣惠渠遇雨澤時降則引石川河水旱則由金定渠築堰

借引趙氏河水此石川東濱之灌田者其由西濱而南者

最北曰偃武渠長安志偃武渠在縣西北四十五里義林

鄉來自華原縣流經縣界溉民田八里南為中渠按石川

甚則流亦微細惟堰武中渠長諸渠旱

流不竭以兼引梁家泉水故也又南為小白馬渠又南為

大白馬渠長安志白馬渠在縣西北四十里義林鄉信義

村引漆沮水溉民田十五里又南為永興渠

洞子渠縣志起十八坊灌田南為河西廣濟渠雍正三年

開又南為永壽渠又南為長澤渠長安志長澤渠在縣西

北三十里義林鄉西陽村引漆沮水溉田十五里

金定渠喬因阜金定渠記渠起縣西十里盤龍灣引趙氏

河水抵義城石川深二丈五尺濶一丈八尺長二十餘里

又渠堰為障水計長十二丈底濶一丈五尺頂濶八尺已

令剉兌開又西十里為直城渠長安志直城渠一名簿臺

河在縣西南二十里溉民田二十里縣志邑水灌田次者  
溫泉河也引泉水歷南岸灌齊堡村者為直城渠東流與  
澤多泉合由北岸引以灌田者為懷德渠支分為順城渠  
起老堰止焦村傍河易崩損縣令劉兌分懷德渠水由溫  
泉石橋槽而南至于縣隍更渠名玉帶復橫穿溫泉河而  
南至縣北門外經流寶村又東為圃田渠

順陽渠通志在縣東北頻山下山後同官界地勢甚高諸  
山之水皆自頻山下注分東西二河東河自趙老峪出分  
為二派東曰順陽渠西曰薛家渠按薛家渠舊灌薛家溝  
存而各村堡支分小渠大半圯廢利益無多西河出山南流其在河東者為孫  
家渠弘治間開濬在河西者為朝陽渠

西府志卷八

六

按富平渠堰皆資漆沮趙氏溫泉三河故渠凡三十有  
七久未修濬日漸湮塞崔大令龍見重加勘視疏通昔  
志所載自在新開二渠久廢其廣濟大白馬新渠永濟  
湯家清泉小判官永興遺愛長澤十渠灌田如舊文昌  
石惠通鎮永濟永興永豐廣澤永昌溢水石水千年永  
潤偃武小白馬興隆中渠永壽十七渠計今灌田二百  
七十二頃六十一畝數皆視昔有加縣志舊稱中渠灌  
田千畝永壽灌田  
二萬畝此漆沮河渠現在二十七道之情形也又趙氏  
河自縣西鄉盤龍灣抵交口入漆沮為渠二一日廣惠  
灌田十二頃一日金定灌田十頃溫泉河渠六曰懷德  
順城即舊志  
之直城玉帶即舊志  
之順城倒廻宏濟圃田灌田數目與

前畧同又順陽河一道開渠名直城者自西鄉神下村  
發源至齊堡村灌田四十畝按即前志之順陽薛家二  
渠非溫泉河之直城也  
又大水峪古渠灌田六頃三十畝統計境內渠三十七  
道今並時加濬治一律深通至渠名及經流村落志乘  
每互有異同良以渠道非大川可比多憑農人口述及  
案牘流傳留心履勘自能盡一也他縣並仿此至古渠  
堰在富平久已堙廢者有鄭渠通志在縣北自三原流  
入又東入蒲城界又北白渠周文帝紀大統十六年涇  
州刺史賀蘭祥修富平堰開渠引水東注于洛長安志  
渠在縣南二十里來自三原溉富平民田四十里其水  
東入漆沮河又龍門堰石川堰並在縣南二十里常平  
堰在縣東南二十五里又寇萊公渠縣志在縣東南南  
入臨潼界有故跡世傳萊公修者又潼河縣志在縣北  
三尺嶺北說者謂導潼河水而南由趙老峪出借順薛  
二渠灌山前田歲可一二千頃潦不灌時引水令歷蓋  
村而西從河故道至于後坡旱潦可恃無恐明縣令時  
泰屢議疏鑿未成而罷

西府志卷八

九

醴泉縣

涇水通志在縣東北五十里自淳化界流入縣境又東南  
入涇陽界水經注涇水東逕九嶷山東仲山西縣志涇水  
入縣界泔水流入焉東岸則鄭白渠所出也  
泔河通志在縣北十里自乾州流入又東合于涇水一作

甘河長安志甘河自縣西北廿北鎮來至縣東北涇甘渡入涇水又作甘泉魏地形志寧夷縣有甘泉隋地理志醴泉縣有甘泉水

石泉谷水縣志在縣西北四十里水自石出兩水合流入于泔民因其流為水磨一名浪水隋地理志醴泉縣有浪水寰宇記承陽山有石泉黃圖謂之浪水

白水谷水通志在縣北八十里又波水谷豆盧谷二水俱在縣東北七十里又巴谷水流逕昭陵之右並南流入于泔水

按隋地理志醴泉縣有波水當即波水谷水也

泥河通志在縣城北源出泥泉東流入泔水北岸有誌公泉相傳梁僧寶誌卓錫于此

頁府志卷八

三

巖谷水通志在縣東北觀音堂水出石罅中南流入泔水

泔池縣志在縣東南十五里顯聖廟南水清而深禱雨有應

醴泉賈志在縣東南三十里周數十步深不可測漢宣帝時湧出隋置縣于此

麻池通志在縣東五十里

鄭公泉縣志在縣城西北縣令鄭廷秀修望乾橋有泉湧出因名

鄭泉縣志在縣東北七十里

比下水利

按縣志鄭子真躬耕谷口挹泉于此考子真谷口在褒

城箕山今云在醴泉蓋誤詳見前

龍洞渠通志在縣東北六十里長安志圖說醴泉本漢谷口治所在涇水西今猶有田在于涇東與其灌溉夫役不及宋修石渠六縣夫無醴泉涇陽志醴泉在渠上游所溉之田甚少今分涇陽王屋斗內水灌田三千三百餘畝

按古渠堰在醴泉者有安谷水縣志在縣北二十里明嘉靖四年谷中出水居民引以灌田又巴谷水在縣北八十里經昭陵右萬歷間邑人趙云壁創渠于此又吧峪河在縣南又觀音泉在縣東北與巴谷水合流溉田今皆無灌溉之利

同官縣

同官縣

頁府志卷八

三

沮水通志在縣西四十餘里自宜君界逕耀州流入縣界

又南流復入耀州界即宜君水也耀州志宜君水自州西北受府西河南入同官境為梁寨河又南受呂村河又西南受沙羅水又南復入州境

銅官川通志在縣東北一里西南流合漆水入耀州界太元九年苻秦堰銅官川水以困姚萇即此水經注銅官水

出投襍縣東北西南逕銅官川謂之銅官水又西南流逕投襍縣東縣志亦謂之同水源出哭泉自縣北南流與漆水合

水合

漆水縣志在縣東北五十里源出北高山西南流合銅官川又南受雄同川水按長安志水在縣東四十里又西南受雷平川水

按通志水在縣西二十里又西南入州界其水善溢甚為邑害

烏泥川縣志在縣東北十五里源出車挽溝又有漢井泉

水在縣東北三十里南流合烏泥川東入蒲城界通志烏

泥川源出鼇背山逕縣東南流入白水縣為白水又入蒲

城縣為南河水又東南入洛又東北十五里為大石盤川

又有小石盤川在縣北四十里耀州志循馬蘭山北而東

流合大石盤水長安志川東流入坊州宜君縣界

清廉泉賈志在縣署又芹井通志在儒學味甘比他井斤

重二兩洪武二年開平王常遇春行軍至此鑿

柏榆泉長安志在縣西南一里又三山泉通志在縣東南

療宿疾又亭子泉長安志在縣東一里已下水利

西夏府志卷八

護城隄縣志在縣城東起金山之東環城東南接嶂山之

麓明萬歷二十一年縣令馬鐸以漆沮二水為城患築隄

障之四十五年縣令劉澤遠增築完厚水去城百丈許

### 耀州

沮水通志在州西門外自同官界流入又東南入富平界

水經注沮水逕宜君川世謂之宜君水按水在鄰州宜君界又得黃

嶽水口按水出雲陽縣石門山黃嶽谷東東南流逕殺翊

縣故城西按城在今耀州東一里又南合銅官水又南出土門山西

謂之沮水禹貢錐指沮水出中部子午嶺逕州西而東會

漆水州志沮水自宜君東北界來一出銀兒坪一出太子

石俱西南至楊秀川合流為宜君水又南受鄭川水又過

唐家店受大峪河水又南過耙樓山受紙房河水又南受

姚谷河水又南受石觜河又南受府西河水又南入同官

境合諸水又南至蘇家店復入州境為堰頭河又南受胡

思泉始名沮水過錦陽川逕州城西循西乳山受梁家泉

水東會漆水合流出鶴鵲谷入富平界通名為石川河

漆水通志即銅官水禹貢錐指在州東門外水出同官縣

東北西南注銅官水又西南至州南與沮水合水經注銅

官水又東南流逕殺翊縣東南流逕其城南原下而西

南注宜君水長安志漆水同官界來經縣十五里南流入

富平界合沮水俗名石川水州志自同官西南入州境尹

師澗水入焉按澗在五臺山北五里又南逕城東五臺山西至乳山

西夏府志卷八

### 下合沮水

澗谷河通志一名金定河在州西南十五里水清見石又

名見底河州志水出州西北孝義鄉焦岩村東南過牛村

名申家河又東南名魚池河又東南入三原界

濁谷水通志在州西南水經注濁水上承雲陽縣東大黑

泉東南流謂之濁谷水又東南出原注鄭渠州志水出州

西北甲池堡南馬鞍口南流二十里為寶泉河又南為涼

泉河又南至三原曰樓底河

清谷水通志一名清河在州西三十五里自三水縣流入

又南入三原界水經注清水流逕黃嶽山西又南入殺翊

縣歷原南出謂之清水口州志水一名清河出州西北石

門山麓南至小邱合環河南經涇陽三原至臨潼之相橋入石川河又州境有三谷水皆流入峽中石上往往有鑿孔深廣尺許蓋舊時碾磑遺跡也又環河在州西北六十里源出大唐山流過金圭車蓋二山東南與清谷水合繡女房溝通志在州西北百十里有石洞相傳後周明帝為宜州刺史采女于此

涼泉通志在州西南三十里涼泉里其水極涼又州境有

御池泉五龍泉俱自山頂湧出已下水利

漆水渠州志在州東南五里南為退灘渠漆水經同官終縣境無灌溉利流經耀州城東南始有二渠俱明成化時知州鄧真開灌城東南負郭地

西安府志卷八

詩

新開渠通志在州西北二十里引沮水灌田南為烟霧渠在州西北十里又南為甘家中渠二渠俱嘉靖中知州李廷寶開又南為甘家渠又南為通城渠灌北關田入城中灌在城園田名酒街水蓋金元故渠永樂初州判華子範開成化時知州鄧真重修又南至陰家村為水磨渠又南至城西為越城渠灌城西南負郭田沮水又南合漆水入富平界

按古渠堰在耀州者有強公渠通志在州西南唐書強循傳循仕雍州司士叅軍華原無泉人畜多渴死循教民鑿渠浸田一方利之號強公渠又州東有漆水堤宋河渠志熙寧七年知州閻充國募民治漆水隄州志成

化中漆水齧州東城嘉靖二十五年知州周廷傑作東城石堤或以為就宋隄治之也今並堙廢

西安府志卷八

三

西安府志卷第九

建置志上 城池 公署

關中建置之盛自周官三百各樹厥宅而後下訖漢唐陸  
軌百重周廬千列所謂各有典司星羅碁布者大半已成  
故蹟不可復問矣茲卷特志其現理者城池所以衛民公  
署所以臨民故先之次之以關鎮次之以郵傳皆建置所  
有事也至軍政雖非太守所職然駐劄分防皆其所轄之  
地與所治之人故附載焉仿漢志例分上中下卷

西安府

城池府城通志即隋唐京城隋文帝厭長安制小納蘇威  
諫召高穎等勅建新都其地在漢故城東南南直終南子

西安府志卷九

午谷北抵龍首山以據渭水東臨灞滻唐永徽五年築羅  
城天祐元年匡國軍節度使韓建改築約其制謂之新城  
宋金元皆因之明洪武初都督沐英增修門四東曰長樂  
西曰安定南曰永寧北曰安遠四隅角樓四敵樓九十八  
座嘉靖五年巡撫王蓋重修城樓隆慶二年巡撫張祉甃  
以磚崇禎末巡撫孫傳庭築四郭城闔寇入關焚東門樓  
及南月城樓

本朝順治十三年巡撫陳極新修葺如制康熙元年雨圯總

督白如梅巡撫賈漢復重修長安咸寧二縣附郭

按西安省城通志云周四十里高三丈以今尺度之周  
遭計長四千三百二丈實二十三里九分外甌內土均

高三丈四尺底厚六丈頂厚三丈八尺於乾隆二十八  
年中丞鄂公

奏修計劃

帑費一萬八千九十四兩有奇至今完固至周城河共長  
四千五百丈舊深二丈廣八尺今中丞畢公以此濠與  
龍首永濟二渠實相資輔於三十九年議加開濬加深  
四尺面寬六丈底寬三丈逾年畢工計劃工費銀八千  
兩有奇

鐘鼓二樓通志在城內東西相距半里許明洪武十七年  
建正統五年修

本朝康熙三十八年復修

頁府志卷九

滿城通志在府城東西界鐘樓

本朝順治六年即故明秦府基改築以居八旗官軍門五東  
仍長樂西南因鐘樓西北曰新城南曰端禮西曰西華一  
統志周九里

公署總督部院署通志在府治西南舊駐固原鎮順治初  
移西安總督孟喬芳勅建康熙元年總督白如梅復因正  
學書院舊址拓修二十三年以漢中為川陝適中地移建  
制府以便兼轄後仍還原署四十二年

聖祖仁皇帝西巡

賜總督博濟署額曰保釐秦隴

按陝甘總督舊駐西安後以西陲辦理軍務移駐肅州

以便調遣大功告成後于乾隆二十九年三月初六日奉

上諭肅州距西安會城較遠于腹地屬員案牘控馭轉多隔礙著將蘭州巡撫衙門改為督署令該督移駐並兼管巡撫事毋庸更設巡撫所有原設撫標即改為督標其舊設西安督標改為提標即令固原提督回駐西安管轄欽此時總督移駐蘭州府所有西安府城院署仍復時加修為制軍行臺焉

巡撫部院署通志在府治北明宣德七年建嘉靖二十一年巡撫趙廷瑞增修復導通濟渠由西垣入東垣出本朝康熙二十四年巡撫鄂愷重修資政錄四十一年

聖祖仁皇帝賜撫臣鄂海名棠卹雨額百二山河歌保障三千禮樂輔經綸聯四十二年

翠華西幸  
賜撫臣鄂海永綬秦壤額衣冠累世王公自柱石三朝社稷臣聯又

賜撫臣鄂海為政寬恕額三秦地濶榮開府二華峯高比重臣聯恭懸署內

按撫標中軍參將署通志在咸寧所二坊城守營參將署在長安所一坊其餘職公署不具載  
將軍署通志在滿城吉茂巷康熙四十二年

聖祖仁皇帝西巡

賜將軍臣博濟列雅著贊額長為士心思鼓舞肯因國事情勤勞

聯

副都統署通志在滿城東北按滿城各職官公署不具載

會府通志在滿城西南

陝西提督署陝甘資政錄在府治西南  
按陝西提督舊稱固原提督駐固原州乾隆二十九年奉

旨移駐西安所有官署即督標中軍副將署陞改建者

布政使司署通志在府治東相傳為秦穆公故府唐為尚書省一云為子志寧郭汾陽宅基金卽其地為行署元為行省延祐間修明洪武七年改為司署設僚屬解舍十七

西安府志卷九

四

年增修正統八年左布政使郭堅嘉靖二十九年左布政使葛守禮繼修

本朝順治五年左布政使劉宏遇康熙四年布政使顏敏重修廣積庫在大堂旁四十二年

聖祖仁皇帝西巡

賜布政使臣鄂洛清慎勤雲峯二額

按經歷司理問所廣積庫大使解通志俱在布政司大門內東偏

按察司署通志在府治西明洪武初因元御史臺為治在布政司東後并入秦府移建今署正統十年按察使鄧榮成化十年按察使王朝遠十三年按察使劉福拓修

本朝康熙四十二年

聖祖仁皇帝西巡

賜按察使臣何焄清慎勤額獄在署內西偏雍正七年按察使碩

色葺

按經歷司司獄廨通志俱在按察司署內

糧鹽道署通志在布政司署左舊為左叅政署康熙四十

二年

聖祖仁皇帝西巡

賜叅議臣黃明清慎勤額五十四年叅議祖允焄葺東圍於署左

後改道署

按大使廨在倉內

西安府志卷九

五

驛傳道署通志在府治西北先是道署在按察司內明成

化十三年改建

本朝康熙二十一年裁缺署廢三十一年復設副使張霖徙

今治重建

按今治本巡按署順治十八年裁缺署廢後改今治

西安府署通志在布政司西元奉元路址明洪武二年建

永樂間葺正統四年知府鄧晟天順四年知府余子俊拓

修八年重建宏治十五年知府馬炳然嘉靖十三年知府

夏雷二十四年知府吳孟祺二十六年知府胡汝輔修陝

甘資政錄

本朝乾隆八年知府朱開聖三十二年知府克爾圖四十年

知府周廷俊四十一年知府田錫莘繼修獄在堂西南

按經歷司署通志在府堂西照磨所在經歷司南知事

廳在府堂西北司獄司在府署中門西偏皆明嘉靖十

三年知府夏雷易西隅民房改建二十四年知府吳孟

祺復分建廨舍丞處其東倅處其西

理事同知署陝甘資政錄在府治西為舊裁分守道署乾

隆三十八年同知海尙阿修

清軍同知署陝甘資政錄舊在府署內東偏乾隆三十二

年改為庫廳署今移府治東南舊裁都司署乾隆二十八

年同知田高修

長安縣

西安府志卷九

六

公署縣署通志在府治西唐天祐間韓建築西郭小城為

縣治宋金元皆因之明洪武四年移建今治明末圯

本朝康熙元年知縣梁禹甸改建陝甘資政錄乾隆三十一

年知縣潘時選三十七年知縣錢人龍繼修庫在堂西獄

在西南復有小倉以羈輕犯皆梁禹甸建

縣丞廨通志在縣堂東典史廨在丞廨南

按長安舊無主簿乾隆三十八年中丞畢公

奏請增置駐斗門鎮

迎賓館通志在西關外

養濟院通志在西關外陝甘資政錄乾隆二十九年知縣

潘時選修

咸寧縣

公署縣署通志在府治東南三里許唐天祐間韓建築東郭小城為縣治宋金因之元泰定至正間縣尹唐兀王義修明洪武初因拓城移建今治嘉靖二十三年知縣馬佩萬歷十二年知縣李生芳三十四年知縣滿朝薦崇禎五年知縣閻思學繼修土地祠在儀門右

本朝康熙三年知縣黃家鼎以獄分輕重度獄東南隙地建倉一所陝甘資政錄乾隆二十八年知縣龔元朱三十六

年知縣楊嗣衍復修庫在堂西獄在儀門內西

縣丞廨通志在縣堂右典史廨在丞廨南

迎賓館通志凡三所二在東關外一在北關外

養濟院通志在城內西北陝甘資政錄乾隆二十九年知縣龔元朱修

西府志卷九

七

咸陽縣

城池縣城通志舊在杜郵西明洪武四年縣丞孔文郁遷今治築城浚濠以南臨渭水衝崩為患景泰三年知縣王

瑾修正德十三年知縣底蘊復修河岸制椿板沿隄覆翼

嘉靖九年巡撫劉天和復修二十六年巡撫謝蘭拓東西

北三隅門九東曰朝陽西曰望賢南曰渭陽北曰五陵學

道門曰文明上各建樓又有西北小北小南及新城門萬

歷丁亥隄圯水浸及城知縣樊鎔修築崇禎中知縣張名

世重築

世重築

按咸陽縣城土築周遭共長一千四百二十二丈三尺計七里九分城身均高二丈四尺頂厚一丈一尺底厚二丈乾隆十四年知縣臧應桐修葺動項一萬九千三百二十八兩有奇池深一丈五尺又城南渭河每虞汕刷乾隆七年知縣姚世道請于南門外東築護城石隄一道長一百三十丈高九尺五寸寬三尺五寸又南門外西築石隄一道長五十丈高九尺迄今完固每值河水漲溢不為城患

公署縣署通志舊在城西北今在城中明洪武四年縣丞

文郁建

本朝順治中知縣江山秀修陝甘資政錄乾隆三十五年知

西府志卷九

八

縣舒其紳三十九年知縣孫景燧繼修庫在堂東獄在西

縣丞廨通志在縣堂東典史廨在縣堂西

養濟院通志在縣治北門外

興平縣

城池縣城通志隋大業九年建明成化十三年知縣王琮

修築嘉靖三十一年知縣劉賢引泉溉土築之完固陪昔

三十五年知縣朱文環堞築臺起舍建四門樓三十八年

知縣章評改建譙樓于東南城上四門東曰喜雨西曰喜

豐南曰喜晴北曰喜雪

本朝順治中知縣徐開熙重修

按興平縣城土築共長一千六十五丈七尺計五里九分有奇城身均高三丈三尺頂厚一丈八尺底厚三丈乾隆十七年知縣劉琪詳修動項一萬五千四百七十五兩有奇池深一丈

公署縣署通志在城內東南元至正十二年建明洪武十二年知縣沈訥修成化中知縣王琮嘉靖中知縣郭孔完增修乙卯歲地震傾圮知縣朱文修章評拓修陝甘資政錄本朝乾隆三十二年知縣張錫齡三十六年知縣姜興周相繼增修庫在堂左獄在儀門內東偏

縣丞廨通志在縣堂東典史廨在縣堂西養濟院通志在縣西街

西安府志卷九

九

臨潼縣

城池縣城通志在驪山之陰湯泉迴繞西北唐天寶六載建明洪武初增築門四東北曰集鳳西曰永豐南曰華清北曰臨渭萬歷十一年改建北門于西北隅城樓五

本朝順治十年塞北門康熙中知縣趙于京建臨渭亭于城上子方

按臨潼縣城土築周圍共長七百八十丈計四里三分有奇城身均高二丈七尺頂厚一丈六尺底厚二丈八尺乾隆八年知縣劉士夫詳修動項三千五百二十一兩有奇池深一丈五尺

公署縣署通志在城內中街之東明洪武二年建宏治癸

亥修嘉靖甲辰知縣李裔芳增修

本朝康熙二年知縣孟長人三十七年知縣趙于京乾隆三十五年知縣尤近思繼修庫在堂左獄在儀門內西偏縣丞典史廨通志俱在縣堂西

養濟院通志凡二所一在城隍廟左側一在縣東南抵城下

高陵縣

城池縣城通志隋大業七年建周二里百二十步今日土城為儒學射圃北垣明景泰元年知縣張錦增築門四東曰距河西曰迎翠南曰接蜀北曰通遠東南二門知縣楊清毅以魏天順中僉事張紳築敵臺嘉靖中知縣鄧興仁

西安府志卷九

十

關水門一甃以甃石

按高陵縣城土築周遭共長八百三十丈計四里六分有奇城身均高三丈頂厚七尺底厚一丈七尺乾隆十八年知縣蕭大中詳修動項二千七百七十三兩有奇池深二丈五尺

譙樓通志在東門內轉南城下

公署縣署通志在城中宋政和間知縣李文開建元延祐元年知縣盧佐修明正統十四年知縣張錦重建景泰三年楊清增建成化十年知縣張傑宏治初知縣劉安正德十四年知縣翟清嘉靖四年知縣鄧興仁修乙卯地震傾圮知縣李翰重葺

本朝順治初知縣胡昌期康熙三十四年知縣王綦溥繼修

庫在堂東西獄在儀門外

典史廨通志在縣堂西

養濟院通志在縣東門內迤南城下

鄠縣

城池縣城通志舊在縣南二里陳大業十年徙置城中金大定二十三年縣令劉某修門四東曰宜春西曰通濟南曰仁智北曰望威舊俱有樓明崇禎九年知縣張宗孟重修建樓兩層暨四隅敵樓懸樓四十二座

本朝康熙二十年知縣康如璉繼修

按鄠縣城土築周遭計長七百七十四丈計四里三分

西安府志卷九

七

城身均高三丈頂厚八尺底厚一丈五尺乾隆十一年知縣李文漢率邑人捐修計用銀四百三十七兩有奇池深一丈五尺

公署縣署通志在城東明洪武八年知縣許訢建正統中知縣徐純修

本朝康熙二十一年知縣康如璉繼修陝甘資政錄乾隆三

十六年知縣李本想後修庫在堂東西獄在西南

典史廨通志在縣署西南

千總署通志在縣治東

寅賓館通志明洪武八年知縣許訢建關內周咨錄庭有

雙槐宋程明道先生手植

養濟院縣志在縣東門

藍田縣

城池縣城通志本名峽柳城亦名青泥城舊城門二明嘉靖二年知縣王科拓修門四東曰繡嶺回春西曰白鹿呈祥南曰灞水環清北曰玉山映翠二十年知縣呂好古闢水門于西南隅三十二年知縣楊紹先易女牆以甃萬歷中知縣王邦才增築北門甕城建門樓西向甃以甃崇禎中知縣雷鳴時甃北城以甃

本朝順治七年知縣楊行健十六年知縣郭顯賢繼修

按藍田縣城土築周遭共長八百六十五丈一尺計四里八分有奇城身均高二丈五尺頂厚一丈二尺底厚

西安府志卷九

七

二丈乾隆十七年知縣鄭琦詳修動項八千五百九十八兩有奇池深二丈濶一丈

公署縣署通志在城中明洪武四年知縣徐誠建嘉靖二年知縣王科二十二年知縣趙思道增建二十七年知縣呂好古鼎新之萬歷十四年知縣沈國華重修陝甘資政錄

本朝乾隆三十一年知縣舒元煊修庫在堂東西獄在儀門

外

典史廨通志在縣堂東南

按昌黎集有藍田縣丞廳壁記考故縣在今縣西三十里有謂今典史廨即當日丞廨者非也

黃寶館通志在縣署前明萬歷初知縣何思建

養濟院通志在南關街西

涇陽縣

城池縣城通志秦苻堅初建元至正二十七年張思道令右丞魏文佐守禦修築明景泰元年知縣曾玉重建東西二門東曰宣文西曰寧武成化間巡撫余子俊增開南北二門南曰臨川北曰拱辰嘉靖二十六年增置東西郭崇禎四年城圯知縣梁士淳重修八年知縣王瑄增修北門甕城

本朝順治九年知縣王際有繼修

按涇陽縣城土築周遭計長九百七十三丈三尺計五

西安府志卷九

三

里四分有奇城身均高二丈八尺頂厚一丈一尺底厚一丈九尺五寸乾隆二十八年知縣羅崇德詳修動頂九千五十兩有奇池深七尺

鼓樓通志在縣治前鐘樓在聖果寺前

公署縣署通志在縣城南門迤東初建無考元大德間築

賢學士蕭軒葺明宏治間知縣宋鑑修萬歷初知縣傅好

禮復新之陝甘資政錄

本朝乾隆三十六年知縣孟政四十年知縣方承保繼修庫

在堂東獄在東南

水利通判署通志在縣北五十里王橋鎮雍正七年改西

安府糧廳爲水利通判移駐於北街署建自乾隆元年

縣丞廨通志在縣堂東典史廨在縣署南

養濟院通志在城隍廟西

三原縣

城池縣城縣志本舊龍橋鎮元至元二十四年徙縣治于此門四東曰寶賜西曰西達甘涼南曰高山遠翠北曰凝瑞東北隅有月城白渠流遠城中水門二其北臨清河深十丈岸易崩圯明崇禎七年知縣張縉彥添築磚堦邑人劉曰俊修馬牆高八尺

本朝乾隆十一年邑人李道生胡瑛捐修城東隅二十六年

邑人王楠等修城東西南三面其西郭城通志明初築周

一里六分爲邑右翼門二西曰翼挹仲山西南曰遙迎太

西安府志卷九

古

白城池高深與縣城等又北郭城明嘉靖三十六年巡撫謝蘭築周四里四分高三丈池深如之萬歷間少保溫純重修建石梁南與縣城相連門四東曰永泰西曰永安南曰永清北曰永寧又東郭城明崇禎八年貢生趙希獻等捐築周三里三分高三丈五尺池深三丈五尺門二東曰朝陽東南曰迎巽又南郭城縣志無增建年月水東西通衢市廛稠密西抵縣城亦邑南面之屏障也

本朝順治初知縣李溥修

按三原縣城土築北臨清河東西南三面周遭計長六

百一丈四尺計三里三分有奇城身均高三丈頂厚一

丈底厚二丈五尺白渠繞城中東西南三面有池深三

丈濶五丈餘四郭並詳舊志乾隆十一年紳士捐修用銀一千八百餘兩

鐘樓縣志在縣治北歸仁坊元至正二十六年縣尉張祖建明洪武十八年知縣林洪博修

本朝雍正三年知縣呂瑚乾隆三十三年知縣張象魏繼修

公署提督學院署通志在縣治北大街西舊為關內道行署明洪武二年縣丞仰山建十年知縣吳自當天順六年

知縣莫謙修縣志督學明為提學道署在按察司東偏

本朝康熙四十六年改為督學院未有公署以西安關中書院為之六十一年總督年羹堯

題請移駐三原乾隆二十年知縣蔡維勤修試院在署西諸

西安府志卷九

五

生坐號舊係席舍明萬歷四十五年知縣雷起龍始建五房

本朝康熙四十二年知縣李瀛修乾隆十九年知縣金世緯

重修易諸生坐號土塹以木

縣署通志在縣城南門內東街元至元二十四年縣尹郭貞建明洪熙元年知縣宋麟修

本朝康熙四十二年知縣李瀛拓修陝甘資政錄乾隆三十

八年知縣顧華修庫在堂東獄在儀門東偏

縣丞歷通志在縣堂東典史廨在丞廨東

養濟院陝甘資政錄乾隆三十四年建

蓋屋縣

城池縣城通志本隋唐舊陞東西長南北狹象魚形四面皆重門東曰逐曦西曰萃金南曰迎熏北曰拱極明嘉靖中知縣李春芳于內外東門及西內南外各建樓北內樓則知縣黎元續成之

本朝康熙元年知縣駱鍾麟修十八年知縣章泰濬壞甃

城以甃改建城樓復新城北女牆

按蓋屋縣城土築周遭計長九百五十四丈計五里三分城身高二丈五六尺不等頂厚一丈二三尺不等底

厚二丈五六尺不等舊引廣濟渠由隍西南東西兩面

夾流南深一丈廣三丈五尺東西較狹而深乾隆二十

六年知縣傅治倡率捐修計費四千二百九兩有奇

西安府志卷九

六

譙樓通志在縣治前雍正二年知縣董霑修

公署縣署通志在城內東北即宋元舊治明洪武二年修

宏治時知縣蕭選嘉靖中知縣李春芳知縣何起鳴萬歷

中知縣梁克從增修

本朝康熙元年知縣駱鍾麟鼎新之十九年知縣章泰重修

陝甘資政錄乾隆三十一年知縣夏秉衡三十七年知縣

左彛景繼修庫在堂西獄在西南

按柳宗元蓋屋縣新食堂記貞元十八年五月新作食

堂于縣內之右始會食也馬志今遺址不存

縣丞歷通志在縣署西典史廨在丞廨西

守備署通志在城內

養濟院通志在大清觀西巷內

渭南縣

城池縣城通志隋大業九年建元至正二十一年元帥擴廓將商鬻修明洪武初縣丞吳雲拓修門四東西各有樓嘉靖中知縣梁沂建北門樓乙卯地震傾圮知縣李希雒重築東南北三面又加拓焉議塞南門甃睥睨敵臺會被徵中止隆慶初知縣崔廷試復闢南門增飛樓二年知縣許增角樓四敵樓十二並甃甃萬歷初知縣褚順起門闌與城頭齊甃睥睨水道以甃易門額曰引華襟瀆帶渭抱豐萬歷末知縣徐吉重修

本朝順治間知縣尙九遷康熙間知縣孫培黃培繼修雍正

西苑府志卷九

七

七年知縣岳冠華重築北城十二丈睥睨俱甃以甃東西門重建弔橋

按渭南縣城土築周遭共長一千三百十四丈計七里三分城身高一丈九尺至三丈一尺不等頂厚一丈五尺至七尺不等底厚二丈五尺至三丈不等乾隆十四年知縣柳廷基捐修計費四百九十六兩有奇池深一丈五尺

譙樓通志在縣治前

公署縣署通志在城中明洪武二年縣丞吳雲建成化中知縣周寧修正德中知縣王鑑復新之嘉靖乙卯地震傾圮知縣李希雒重葺知縣趙雲程知縣劉翽隆慶中知縣

帥祥萬歷中知縣崔邦亮繼修庫在堂東獄在儀門西

縣丞廨通志在縣堂東典史廨在縣堂西

賓賓館通志在署前明隆慶中知縣帥祥建

養濟院通志凡二所一在東關北巷一在東門外神川原

北

富平縣

城池縣城通志本名窰橋頭元末張良弼移縣治于此明正統初知縣高應舉始築土為城門三宏治中知縣陳澗關西門嘉靖中巡撫謝蘭增築城外敵臺知縣胡志夔易雉堞以甃乙卯地震城圮知縣趙桐繕之知縣崔舉葺四門知縣史燦竟工門四東曰華翔西曰荆踞南曰石盤北

西苑府志卷九

六

日全屏萬歷間知縣劉兌始創東郭

本朝康熙元年知縣鄭崑修

按富平縣城土築周遭共長五百五十二丈六尺計三里一分城身高三四尺至二丈不等頂厚七尺底厚一丈至一丈三四尺不等乾隆十八年知縣李世垣詳修動項三千九百四十二兩有奇繞城濠為明萬歷間知縣劉兌引玉帶渠水南入隍中深一丈

譙樓通志在縣治東

公署縣署通志在城中明洪武三年主簿陳忠信建天順中知縣王傑新之成化十八年知縣郭銘知縣張本增建嘉靖乙卯地震傾圮知縣張桐復建隆慶中知縣史燦萬